

(清)毛奇齡撰 龐曉敏主編

學苑出版社

毛奇齡全集

第四十冊

文集

七言律詩 十卷 卷六——卷十

一

七言排律 一卷

一五三

五言格詩 五卷

一八五

雜體詩 一卷

三二九

徐都講詩 一卷

三六七

目錄

西河合集



西河合集

蕭山毛奇齡

字大可
又春止

郭光第
李日焜次輝較

七言律詩 六

康熙十七年十月一日大學士索額圖明珠

奉

上諭各大臣題薦才學官人除現任員外着戶

部帖給俸廩并薪炭銀兩按月稽領感賦

七言律詩一首

宣平初啟儲才賢便向金門拜賜緡烏節稻頌高廩

俸紅籬炭準。大農錢花攢印帖。看成錦日照絺衣恍。
挾綿誰道舊時含糗士。還承介錫在昌年。

二

公車通詣近三臺。月俸旋教計部開。御牒宛從天上落。
皇恩高向日邊來。饗錢誰是張安貴。索米慚無曼倩才。
咫尺光華將啟旦。敢言遲暮答涓埃。

午門謝恩恭紀

蹉跎閭闔啟雙銀。帝闕遙看綵仗班。伏地敢違階咫尺。
瞻天只在殿中間。楓門劍珮朝方啟。草野衣冠拜未嫻。
但愧聖恩無可報。遙呼萬壽指南山。

答景文上人過贈原韻

三月春江初上潮。浮杯何處渡來遙。莫嫌陶令眉頻皺。猶喜豐干舌未饒。妙偈不從禪誦得。薰衣時把佛香燒。願君長在山陰住。勿使中軍遠見招。

王明府之任零陵

瑯琊才子厭承明。萬里遙分庠序城。白日吏來花下臥。感時泪向竹中生。賦完莫笑陽城拙。操潔無如姑鉞清。湘口題詩能北望。雙鳬飛處是神京。

陳君六十

樟亭十里比柴桑。中有高人引興長。白帽曉披花露

滑紅泉春洗藥苗香門迴高鷺同孺子庭下監州類
季方邀得麻姑頻貰酒相看猶是舊餘杭

奉餞汪春坊同年請假覲省還里二首

裁向東朝作從臣每因問寢倍思親高堂豈易沾三
釜長假何難請十旬唐長假以十旬爲滿所謂十旬休假是也問左枌陰
虛閱歲關前草色暗逢春如何白首懷歸客猶作青
門飲餞人

二

初頒儲冊下銅扉暫借朝衫作綵衣九列尚需三度
轉十年能得幾時歸江魚午饌烹嘗美慈竹隣牆過

未稀第恐曾參。冠不定。禁林重盼。早鳥飛。

贈邵吳縣

平原邵續。舊知名。簋仕能分閭闔。城甲第。早膺三禮。
貴郎官。上映一星明。車過樂園。鸞初下。綬拂金昌花。
正生遮莫。東南烽火近。吳門尚有水犀兵。

岳州大提奉和高陽寶坻益都三相公喜賦

原韻六首

荆門露布。揮離飛聞道。王師已合圍。下雋地。翻留後。
旂洞庭波洗戰時衣。軍分五壘真無敵。峒阻三苗何。
處歸。况有樓船橫浦入。天南誰不望明威。

二

湖。湘。寇。盜。本。蠡。飛。連。破。平。江。似。帶。圍。夜。水。暗。驚。流。劍。
影。春。花。偏。喜。挿。弓。衣。人。收。赤。子。安。軍。鎮。地。入。黃。陵。近。
姊。歸。但。得。東。山。堪。勞。士。擽。教。零。雨。誦。伊。威。

三

七。校。縱。橫。盡。伏。飛。紅。鞞。新。束。馬。腰。圍。熊。羆。但。計。踰。銀。
甸。饑。風。何。愁。生。鐵。衣。羅。子。收。來。忘。北。顧。楚。軍。散。盡。想。
東。歸。零。陽。此。去。降。幡。集。何。必。彊。兵。出。武。威。

四

日。望。巴。東。鵝。鵲。飛。江。陵。種。柳。漸。成。圍。提。兵。直。入。移。綃。

幕。叩。馬。相。迎。有。布。衣。三。奏。捷。書。當。甲。始。全。軍。振。旅。在。
春。歸。從。來。廟。算。需。賢。相。况。復。詩。傳。翟。子。威。

五

桃。重。誰。道。善。拚。飛。帝。命。原。教。式。九。圍。尅。日。將。軍。齊。
捲。甲。連。年。天。子。自。求。衣。葭。還。舊。律。知。來。復。芑。滿。新。
田。嘆。日。歸。從。此。征。驪。與。朝。竿。敢。言。咫。尺。見。天。威。

六

禁。旅。中。兵。總。射。飛。長。驅。肯。作。掩。羣。圍。行。營。夜。襲。藏。刁。
斗。轉。戰。春。生。換。韜。衣。王。濬。乘。風。能。越。險。姜。維。有。志。亦。
當。歸。哀。荆。自。古。需。深。入。誰。道。王。師。不。在。威。

張方岳巡撫閩中

來從奏計待鳴珂。去路黃旗載駱駝。斗北驟頒新筦。鑰天南重整舊山河。建溪雲樹開藩遠。閩嶠山花入幕多。身到九仙須對酒。年來東海不揚波。

夜集俞明府園亭次其小阮石昌原韻

名園竹樹夜蕭蕭。閒對清樽向午橋。屋角暗星疎帶雨。欄邊流水曲通潮。當筵酒暖杯頻瀉。促座談深燭易燒。最喜君家饒二阮。相從林下且招邀。

丁民曹分巡贛州

河橋柳色映雙旌。萬里虔南好計程。畫館望郎初奉

使建安才子舊知名。樓船浪逐灘聲轉。幕府花含瘴
雨生。他日鬱孤回首處。待君還賦泰階平。

與汪廣文

講學河汾年。又年長安相遇見。華顛空囊尚載田。何
易沽酒曾無司業錢。絳帳經傳燕市曲。青袍草映御
河邊。金門萬里雲霄近。莫問滄江有釣船。

答贈萬州學正何君見贈原韻

慢將春酒瀉郛筒。金錯長懷嶺嶠東。帝闕上書原有
意。王門操瑟豈難工。人閒居傍支公鶴。時寓報國寺馬瘦
行如鮑氏驄。謝汝容臺能薦士。風流還著玉堂中。時分

闕廣西其門人
有入詞林者

九日登善果寺後毘盧閣示同館諸公

清秋黃葉滿林臯。佛閣層層散白毫。千里有誰還望遠。十年此地再登高。香臺露下翻萸葉。茗椀霜融沃菊膏。誰道初衣難再着。晚寒猶覆舊絺袍。

送何岱瞻還江陰覲省

薊門楊柳弄春晴。欲別翻憐邸舍情。春汎白波分淺盡。夜來紅燭照牕明。西郊草映寒袍色。東閣梅傳舊句名。此去澄江若相憶。延陵城下暮潮生。

春城花落已垂條。萬里江關去路遙。別恨直追申浦棹。離人初上御河橋。筵前白帟留應少。臺上黃金望欲消。只恐河陽方覲省。便隨數奏上丹霄。

平原道中示仲山諸同行作

客路秋光最可憐。平原風物更蕭然。山橋度馬雙流迴。野店留人一榻懸。酒旆碧垂丹棗下。廟門紅閉綠楊邊。却因顧陸相從晚。每欲聯鑣未敢前。

征南大兵乘勝收復長沙奉和高陽相公原

韻二首

戰艦橫江蔽鬱姑。材官百萬盡彎弧。新收岳麓時移

障。遽。襲。湘。潭。夜。渡。湖。白。馬。關。前。鳴。鼓。角。黃。陵。廟。下。禁。
樵。蕪。天。南。指。日。銘。功。遠。何。必。牟。彌。布。陣。圖。

二

南。征。曠。騎。本。騰。驤。况。復。追。奔。似。燎。揚。定。遠。自。能。摧。虎。
穴。護。軍。今。已。下。熊。湘。雲。車。駕。處。城。頭。暗。露。布。書。來。盾。
鼻。光。不。信。衡。陽。京。觀。美。都。梁。尚。有。武。成。圖。

重陽後一日偕同館諸公集黃編修新宅分

韻得秋字

新。第。重。爲。九。日。遊。黃。花。開。徧。白。檀。秋。集。賢。有。會。思。韋。
綬。買。宅。無。錢。贈。馬。周。鴻。雁。盡。從。天。際。落。茱。萸。還。向。酒。